

քը: Մենք նստեցինք, նահապետական նաւակը երկու ժամից յետոյ մեզ հանեց «դրսի տունը», որ գտնուում է կղզու հանդէպ, Նրա հիւսիս-արեւելեան ցամաքի վրայ: Վանայ ծովակի մէջ գտնող միւս կղզիները եւս՝ Լիմ եւ Աղթամար, որոնց մէջ ճգնաւորների անապատներ կան, այսպիսի «դրսի տներ» ունեն: Այստեղ է կենտրոնացած վանքի ամբողջ տնտեսութիւնը: Այստեղ են բնակուում մշակները, որ մշակուում են վանքապատկան ընդարձակ հողերը: Այստեղ են պահուում վանքի բազմաթիւ անասունները իրանց հովիւներով եւ նախրապաններով: Այստեղ է վանքի գլխաւոր հարստութիւնը: Այստեղ արեւոյաները կանանցից չեն խորշում. նրանք են թխում հացը, նրանք են պատրաստուում կերակուրը վանքի բազմաթիւ բանորրների համար, նրանք են կթում ոչխարները, պանիր են մակարոյում, իւղ են պատրաստուում, նրանք են մանուում բուրդը եւ նրանից հայր սուրբերի համար հագուստ պատրաստուում: Այստեղ կեանք կայ: Այստեղ, «դրսի տան» մէջ, գործում են, իսկ այնտեղ, ներսի տան մէջ, անապատում, միայն աղօթում են:

Մեզ ընդունեց «դրսի տան» տնտես-մատակար արեղան, մի բաւական ուրախ, զորճախօս անձ եւ, հրաւիրելով իր սենեակը, ասաց.

– Գնանք, գիտեմ, այնտեղ ձեզ քաղցած պահած կը լինեն, գնանք մի բան ուտենք:

Այդ կրօնաւորը հենց առաջին րոպէից այնքան համակրական երեւաց, որ մենք չկարողացանք մերժել նրա հրաւերը: Նա տարաւ մեզ իր սենեակը, որ անապատի մէջ մեր տեսած խուցերի հետ համեմատելով, բաւական օրինաւոր պէտք էր համարել: Որքան մեծ զանազանութիւն աշխարհին մօտ կրօնաւորի եւ աշխարհից կտրուած կրօնաւորի մէջ: Շուտով պատրաստել տոեց մեզ համար պատուական նախաճաշիկ, որ բաղկացած էր սերից, կարագից, մածունից, մեղրից եւ սպիտակ հացից: Նրա սենեակում գտնուեցաւ միւսչէւ անգամ օղի. նա առաջարկեց մեզ մի-մի բաժակ, թէեւ ինքը չխմեց:

Բայց, ինչ որ անելի գրաւեց մեր ուշադրութիւնը, դրանք էին մի խումբ դեռահաս պատանիներ, որոնք, մի առանձին խոժոռադէմ, մռայլ արեղայի հսկողութեան ներքոյ, պարապում էին մի այլ սենեակում: Այստեղ դպրոց չէր, այստեղ մի տեսակ նախակրթարան էր, որի մէջ այդ պատանիները պէտք է նախապատրաստուէին անապատը մտնելու համար: Նրանք պէտք է անցնէին այն բոլոր փորձութիւնների միջով, ինչ որ պահանջուում է անապատական կեանքը: Պահ, ծոմ, անքուն գիշերներ, մշտական աղօթք, խոնաւ եւ մուգ խղիկներում գետնախշտի կեանք, անպայման հնազանդութիւն, հրաժարումս բոլոր բաւականութիւններից, մի խօսքով, կատարեալ անձնուրացութիւն, այդ պէտք է լինէր այն փորձութիւնը, որի միջով, տարիների ընթաց-